

Privredno društvo za proizvodnju i transport gasa
„BH-Gas“ d.o.o. Sarajevo

PLAN BORBE PROTIV KORUPCIJE

Sarajevo, februar 2014. godine

Na osnovu Odluke Vlade Federacije Bosne i Hercegovine od 08.05.2012. godine kojom je usvojen Opći plan borbe protiv korupcije (Službene novine Federacije Bosne i Hercegovine, broj. 42/12), te Zaključka Vlade Federacije Bosne i Hercegovine V.broj: 146/2014 od 30.01.2014. godine i člana 51. Statuta Privrednog društva za proizvodnju i transport gasa "BH-Gas" d.o.o. Sarajevo, a u skladu sa saglasnošću koju je Nadzorni odbor, svojom Odlukom broj NO-0202-731 od 26.02.2014. godine, dao na prijedlog Plana borbe protiv korupcije, Uprava Društva d o n o s i

PLAN BORBE PROTIV KORUPCIJE "BH-Gas" d.o.o.Sarajevo

I. POJAM KORUPCIJE

Ovim planom uređuju se pravila, uvjeti, ovlaštenja i odgovornosti u provođenju prevencije i borbe protiv korupcije tokom obavljanja funkcija, radnih obaveza i poslova u Privrednom društvu za proizvodnju i transport gasa "BH-Gas" d.o.o. Sarajevo (u daljem tekstu: Društvo), u skladu sa zakonima i zakonskim propisima Federacije Bosne i Hercegovine.

Korupcija kao društvena pojava može se definisati na više načina ili oblika, a svima je zajedničko da je korupcija povreda javne funkcije radi osobne koristi, odnosno otuđenje ili rasipanje javnih ili privatnih sredstava. Korupcija označava svaku zloupotrebu moći povjerene javnom službeniku ili osobi na političkoj poziciji na svim nivoima vlasti u državi, koja može dovesti do privatne koristi.

Korupcija posebno uključuje direktno ili indirektno zahtijevanje, nuđenje, davanje ili primanje mita ili neke druge nedopuštene prednosti ili ostvarivanje njene mogućnosti kojim se narušava odgovarajuće obavljanje bilo kakve dužnosti ili ponašanja očekivanih od primaoca mita.

II. PRAVNI ASPEKT

- Međunarodni standardi

Najznačajniji međunarodni dokumenti u oblasti borbe protiv korupcije, potpisani i ratificirani od strane Bosne i Hercegovine su:

1. Kaznenopravna konvencija o korupciji od 27.01.1999. godine,
2. Građanskopravna konvencija o korupciji od 04.11.1994. godine,
3. Konvencija Ujedinjenih nacija protiv transnacionalnog organiziranog kriminaliteta s tri pripadajuća protokola od 15.11.2000. godine (ratificirana 2002. godine),
4. Konvencija Vijeća Europe o pranju, traganju, privremenom oduzimanju i oduzimanju prihoda stečenih krivičnim djelom.

- Domaće zakonodavstvo

U krivičnom zakonodavstvu Bosne i Hercegovine propisana su određena krivična djela koja spadaju u grupaciju tzv.krivična djela korupcije. Tako su u Krivičnom zakonu Federacije Bosne i Hercegovine, u Glavi XXXIKrivična djela podmićivanja i krivična djela protiv službene i druge odgovorne funkcije, propisana sljedeća krivična djela:

1. Primanje dara i drugih oblika koristi – član 380. KZ FBiH,
2. Davanje dara i drugih oblika koristi – član 381. KZ FBiH,
3. Protuzakonito posredovanje - član 382. KZ FBiH,

4. Zloupotreba službenog položaja i ovlaštenja – član 383. KZ FBiH,
5. Pronevjera u službi - član 384. KZ FBiH,
6. Prijevara u službi - član 385. KZ FBiH,
7. Posluga u službi - član 386. KZ FBiH,
8. Nesavjestan rad u službi - član 387. KZ FBiH,
9. Odavanje službene tajne - član 388. KZ FBiH,
10. Krivotvorenje službene isprave - član 389 KZ FBiH,
11. Protuzakonita isplata i naplata – član 390. KZ FBiH,

Iako se u navedenom nazivu glave KZ FBiH i nazivima pojedinih krivičnih djela ne navodi posebno da se radi o krivičnim djelima korupcije, ova djela ostvaruju se preko krivičnih djela službene dužnosti. Gore navedena krivična djela se ostvaruju preko krivičnih djela usmjerenih na povredu službene dužnosti i usmjerena su protiv pravilnog funkcioniranja javnih službi, a u načelu čine ih službene i druge odgovorne osobe u obavljanju svoje službene dužnosti. Izuzetak su krivična djela pronevjere, prijevare i posluge u službi, koja pored službene osobe mogu izvršiti i druge osobe na radu kako u državnim tijelima, privatnim poduzećima, javnim ustanovama ili drugim organizacijama. U izuzetke spada i krivično djelo davanje dara i drugih oblika koristi, gdje se kao počinitelj može pojaviti svaka osoba.

Privredno društvo za proizvodnju i transport gasa "BH-Gas" d.o.o. Sarajevo obavlja privrednu djelatnost iz oblasti energetike radi sticanja dobiti, razvoja transportnog sistema, te postizanja ostalih ciljeva koje utvrđuje osnivač Društva.

Društvo u oblasti energetske djelatnosti ima javne ovlasti, tj. obavlja privrednu djelatnost koja ima javni karakter.

Pod obavljanjem privredne djelatnosti, koja ima javni karakter u ostvarivanju utvrđene energetske politike u sektoru prirodnog gasa, smatra se:

- planiranje i razvoj jedinstvenog gasnog sistema u BiH, te usklađivanje i primjena tehničke i zakonske regulative u sektoru prirodnog gasa,
- predlaganje energetskog bilansa prirodnog gasa,
- raspodjela gasa između kantona, velikih potrošača i distributivnih preduzeća,
- utvrđivanje tarifnog sistema i cijene prirodnog gasa,
- upravljanje i vođenje transportnog gasnog sistema, uključujući i glavne mjernoregulacione stanice, u skladu sa tehničko-tehnološkim mogućnostima,
- izgradnja, održavanje i osiguranje objekata gasnog sistema,
- uvoz, prodaja i transport gasa.

Pored već spomenutog krivičnog zakonodavstva, bitno je napomenuti i slijedeće propise:

1. Zakon o upravi FBiH ("Službene novine Federacije BiH", broj 28/97, 26/02);
2. Zakon o slobodi pristupa informacijama u Federaciji Bosne i Hercegovine ("Službene novine Federacije BiH", broj 32/01, 48/11);
3. Zakon o javnim nabavkama („Službeni novine BiH“ broj 49/04, 19/05, 52/05, 8/06, 24/06, 70/06, 12/09 i 60/10);
4. Pravilnik o radu Privrednog društva za proizvodnju i transport gasa „BH-Gas“ d.o.o. Sarajevo;
5. Etički kodeks Privrednog društva za proizvodnju i transport gasa „BH-Gas“ d.o.o. Sarajevo.

Ila. OKVIRI ZA PRIJAVU KORUPCIJE

Povrede radnih obaveza koje ujedno mogu predstavljati i usku vezu sa pojavom korupcije, gdje se posebno ističu, ali ne ograničavaju kod sljedećih povreda radnih obaveza:

- neizvršenja, nesavjesnog, neblagovremenog ili nepažljivog izvršenja radnih obaveza,
- ponašanje koje onemogućava ili otežava ostvarivanje prava pojedinaca i institucija u radu Društva,
- ponašanje koje narušava ugled Društva,
- spriječavanje svih zainteresiranih strana u ostvarivanju prava pri podnošenju zahtjeva, žalbi, pritužbi, molbi i drugih podnesaka ili neodlučivanje po istim podnescima u zakonskom roku,
- davanje netačnih podataka koji utiču na donošenje pogrešnih ili nepravilnih odluka ili izazivaju druge štetne posljedice,
- zloupotreba položaja i ovlasti,
- vršenje diskriminacije pri vršenju dužnosti na osnovu rase, spola, jezika, religije, političkog ili drugog opredjeljenja, nacionalnog ili socijalnog porijekla ili po bilo kojem drugom osnovu.

III. PREVENCIJA U BORBI PROTIV KORUPCIJE

Privredno društvo za proizvodnju i transport gasa "BH-Gas" d.o.o. Sarajevo će kontinuirano raditi na eliminiranju uslova koji dovode do mogućnosti za korupciju, posebno:

- odabirom najbolje prakse u rukovođenju poslovima iz ove oblasti (predlaganjem) i provođenjem aktivnosti koje su spojive sa propisanim načinom obavljanja poslova iz ove oblasti i propisanim načinom rukovođenja);
- iniciranjem i donošenjem novih propisa i instrukcija, koji imaju za cilj efikasan i kvalitetan rad;
- eliminiranjem sukoba interesa zaposlenih i praćenjem zakonskih propisa iz ove oblasti radi njihove primjene;
- poduzimanjem aktivnosti na usavršavanju i poboljšavanju organizacijsko-tehničkih mjera zaštite;
- uvođenjem objektivnih kriterija u postupke zapošljavanja, odnosno raspoređivanja zaposlenika na poslove, s ciljem izbora najkvalitetnijeg kadra;
- osiguravanjem uslova da se novi zaposlenici na poslovima adekvatno educiraju i pripreme za buduće poslove (u pogledu zakona i podzakonskih propisa, u pogledu operativnog rada, procedurama, standardima, unutrašnom organizacijom i kontrolom kao jednom od metoda prevencije koruptivnih uticaja na rad zaposlenih).

Svi rukovodni organizaciono radnih cjelina dužni su u organizacionom dijelu kojim rukovode osigurati uslove za rad bez korupcije.

U tom cilju obvezni su na dnevnoj osnovi da osiguraju provođenje i kontrolu zakonitog rada. Izvještaje o poduzetim aktivnostima na otklanjanju mogućeg koruptivnog ponašanja raditi će rukovodioci organizaciono radnih cjelina po potrebi.

IV. PRIJAVLJIVANJE KORUPCIJE

Svi zaposleni u Društvu imaju pravo i dužnost da prijave sve oblike korupcije. Prijava se podnosi u pisanom obliku putem internog portokola i ista dostavlja Upravi Društva.

Podnosilac prijave iz prethodnog člana dužan je u prijavi navesti oblik korupcije, dati osnovne podatke ili predočiti odgovarajuće materijalne dokaze, navesti svjedoke i sl. na osnovu čega bi se ta prijava mogla smatrati opravdanom za pokretanje postupka njene provjere i daljeg procesuiranja.

V. POSTUPAK PROVJERE KORUPCIJE

Postupak provjere je hitan i povjerljiv sve dok se pravosnažno ne okonča.

Postupak provjere vrši posebna Komisija za provjeru korupcije koju formira Uprava Društva.

VI. ODLUKE

U slučaju da se u postupku provjere utvrdi da ista ima obilježja krivičnog djela propisnog zakonima i podzakonskim aktima Federacije Bosne i Hercegovine, protiv osobe ili osoba koje su bile predmet provjere korupcije podnosi se krivična prijava.

U slučaju nedokazanih navoda o korupciji donosi se odluka o obustavi postupka.

VII. PRIJELAZNE I ZAVRŠNE ODREDBE

Ovaj plan stupa na snagu danom donošenja.

Broj: 01-AM-0402-749

Sarajevo, 27-11-2014


Salih Vatrenjak
V.D. IZVRŠNOG DIREKTORA




Mirza Sendijarević
V.D. DIREKTORA

Privredno društvo za proizvodnju i transport gasa
"BH-Gas" d.o.o. Sarajevo
Broj: 01-AM-0402-749
Sarajevo, 27-02-2014 godine

Na osnovu čl. 51. Statuta BH Gas-a d.o.o. Sarajevo, a po predhodnom razmatranju i saglasnošću koju je Nadzorni odbor, svojom Odlukom broj: NO-0202-731 od 26.02.2014. godine, dao na prijedlog Plana u borbi protiv korupcije, Uprava Društva donosi,

O D L U K U
o donošenju Plana borbe protiv korupcije

I

Ovom odlukom donosi se Plan borbe protiv korupcije.

II

Zadužuje se Sektor za pravne i opće poslove da obezbjedi distribuiranje Plana borbe protiv korupcije svim organizaciono radnim cjelinama BH-Gas-a.


III

Odluka stupa na snagu danom donošenja.

UPRAVA BH-GAS-a


Salih Vatrenjak
V.D. IZVRŠNOG DIREKTORA




Mirza Sendijarević
V.D. DIREKTORA

DOSTAVITI:

- Svim Sektorima
- Oglasna tabla BH-Gasa

Privredno društvo za proizvodnju i transport gasa
"BH-Gas" d.o.o. Sarajevo
NADZORNI ODBOR

Broj: 10-0202-ZS1
Sarajevo, 26-02-2014 godine

Na osnovu čl. 42. Statuta Privrednog društva za proizvodnju i transport gasa "BH Gas" d.o.o. Sarajevo, Nadzorni odbor je na 21. sjednici, održanoj dana 26.02.2014. godine, donio

ODLUKU
o davanju saglasnosti na
Plan borbe protiv korupcije

I

Ovom odlukom daje se saglasnost na prijedlog Plana borbe protiv korupcije.

II

Odluka stupa na snagu danom donošenja.



PREDSJEDNIK NADZORNOG ODBORA

d.o.o.
SARAJEVO

Mehmed Koldžo